

Basef Amama Jon Nagi' Nanda'ami Mafe'ma Bifi

Basef bandami Jon nagis' nanda'ami mafe'ma bifi

Lain 1-3 Jon nasapa' danifel ananinai naloma basef bu'wami Godi ma
nagiambamas

Lain 4-11 Waf endilisinai naloma waf ukup maimailasanai

Lain 12-13 Basef Joni akutaimi

^{1a}Ae' agiliwei imafi esis Kristen anda' basef mafe'mago ine', nemata'^{wb} God nandandepa'wi kwaloma awasi akwa'usi. Ae' okom nainaila ipe' endilisi. Ina ae' atowe okom nainailipa, owa'. Amam nematawa hiesi sogawa basef endilisimi, esis wapoti' ukup maimailipa. ²Dei' main, basef endilisimi mape ukup ape'imi amama anona nemaf mope la'ifipa ape' la'ela'ef.

³Ae' a'i Ahalomapa God noloma Jisas Krai Nogatolomana Ananinai miti uwahipipa miagiambamapa na'a monda'apa la'ifipa ea' monda' opalef ape'imi awanem. Amam biam monda'apa na'ama moloma waf endilisinai noloma waf ukup maimaila sahini owananai.

Ape' ukup mimila sahini owan ape'isi

^{4c}Ae' andanifel endilisi ma egawa enis awasi ine'isi saila basef bu'wami endilisimi si'i Ahalomapa na'ipapa basef la'ifimima milam. ^{5d}Ea' dei' a'lipa ine' nemata'^{wc} na'ama. Ape' hiapai ukup mimila sahini owan ape'isi. Ae' ina a'lipina anom basef la'ifimi dambaimi, owa'. A'lipina basef amama atom fowa' gani ape' mogawam mombale'efam. ^{6f}Basef ofagema ma ape' ukup maimaila sahini owani amama. Ape' mope mila basef amama Godi

a 1:1 1 Pi 5:1; 3 Jo 1 **b** Basef amama ofagema ma'i basef biefim. Anom ma'i ano'w nemata'w. Ea' anom ma'i basef womun etina enis Kristen sape anona wambeli sa'i lokiosios. **c** 1:4 3 Jo 3 **d** 1:5 1 Jo 2:7; 3:11 **e** 5 Niti futnot 2 Jon Lain 1. **f** 1:6 1 Jo 5:3

la'ifimi la'ela'ef. Basef amama si'i fowa' dambadamba pame'am. Ipe' ukup mimila sahin owan ipe'isi.

Basef Kraisi ipe' pilam la'ifipa

⁷Enis epes sambaso'mami safe' ganigani etap hiagoma. Esis ina sawalipasa Jisas Kraisi sa'i anan nogalomana Godi nataga epen endilisinai, owa'. Esis sambaso'mami, isima naumbih Kraisi. ⁸Ipe' pindumafuma andeande'ma pefa' amamaga bu'wami amama panda' maol pa'i pefa'ami. Na'ama ipe' anona nemaf ina pefa' amama, owa'. Andeande'ma pefa'am hiami hi'ilam. ⁹Emi egafis sakwaha basef Kraisi ma simbisila' sefe' sila anom basef, God ina nape opaf epes isima, owa'. Emi egafis sembale'efa basef Kraisi la'ifis la'ela'ef, dei' Ahalomana naloma Nogalomana wapoti' mape la'ifim maloma epes isima nomon ukup اساسimi. ¹⁰Emi egafis sifi'mai ipe' ma ina sefa'ai basef amama Kraisi, ipe' ina pigiambama epes isima pi'ipas sofe' solomepa siwis ifagw ipe'imi, owa'. Ina pinifalis pi'ipas penda'mas, "Nemaf bu'unai" esis, hapaisi. ¹¹Emi egafis sinifala epes isima anona nemaf solomas okom atotom sigiambamas sonda' waf aonai esis sanda'anai.

Basef amama tu'wanim akutaimi

¹²Ae' a'i i'lipa anom basef hiami wapoti', ea' ae' ina enda'am mil okwatip, andaiwa'. A'i efo'o itilipa i'i elomepa ma ape' mondatima mondanifel andeande'.

¹³God nandandepa owamena^k ine'ikwi nosahe'akw anani'wi ato'w. Ea' awasi owaminai sanda'menago nemaf bu'unai ma ine'.

Ea' ma'um.